

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

1. Nunatsinni suliffeqarfissuassaq aluminiummimik aatsitsivissaq Alcoa Maniitsup eqqaani inissineqartussaq ukiuni arlalinngortuni utaqqisarput Inatsisartunillu Naalakkersuisunut sulissutigineqaqusaasoq maannamut tusarsaanera ersigunnaaraluttuinnartutut immat Naalakkersuisut sulissutigalugu sumut killiffeqartippaat?

2. Suliassap qanoq suliarineqarnera ingerlava?

3. Pilersaarut qaqugu piviusunngortinniarnearpa?

(Inatsisartunut ilaasortaq Ruth Heilmann, Siumut)

Tunggavilersuut:

Aqagu inatsisartuni oqaluserineqartussaavoq nunatsinni suliffissaaleqinersuup qanoq iliuuseqarfigineqarnissaa, tassani tusartussaagunarpavut suliniutit aqagu siunissarlu qaninnerusumi aaqqi-niutaasussat. Tassani inuit 450-t missaat suliffissaaleqinerat aallaavijuniarpoq.

Piviusumilu qiviarutta inuusuttut Piareersarfimmut qinnuteqartut affaat kisiisa inissaqartittarpavut tassami 600-t tiguneqarsinnaasangillat. Taakkuinnaanngillalli inuusuttorpassuit ullumikkut ilin-niarnerminnik ingerlatsisut 2000-it inornagit ingerlatsisut ukiuni arlalinnguani suliffissarsiortussaas-sapput, tamarnik aalisarnermut sangusinnaanaviannngillat arlaannik suliffissaqartinniassagutsigit suliffissuarmik pilersitsinissaq nunatsinni pisariaqartilluinnarparput.

Isumalluutissarsuaq Alcoa neriunaateqartumik pinngitsoorneqarsinnaanngilluinnartutut inissisima-voq tassami ukiualunngorput inatsisartuni pilersitassatut aalajangernikuuarput aamma inuusuttor-tavut ukiuni aggersuni suliffissaqartariaqarmata, aammalumi uranimik akoqanngitsuunera ukior-passuarnilu allaat ukiuni 100-t angullugit inuppasuarnut suliffissaqartitsisussaanera taakkartor-neqarlunilu eqqarsaataammat.

Taamaattumik nunarput aningaasarsiornikkut suliffissaqartitsinikkullu siuarsassagutsigu Alcoa pilersinneqartariaqartoq isumaqarpunga, tamannalu piaarnerpaamik paasisaqarfigissariaqarpoq, ilami issanngoqaagut tamatta utaqqikatavillutalu, tamannalu nuanninngilluinnarpoq.

Apeqquteqaatikka ullut suliffiusut qulit qaangiutsinnangit akineqarnissaat piumasarivara.